

آبونه اولق ایستینلر دائره عدلیه
اداره مخصوصه سنه مراجعت
ایتملیدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

قانون مجازات

منکی در سعادت ایچون مجیدیه
بکری غروش حسابله التیش
غروشدر

طفره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه متعلقدر

تَبْلِیغات

۶۳۵ نومرولی نسخه ده مندرج پولیس
نظامنامه سنک مابعدی :

ایکنجی باب

پولیسک وظائف عمومی سی

برنجی فصل

پولیسک ایفای وظیفه ده کی حقوق و صلاحیتی

۴۸ ماده پولیسر وظائف قانونیه و نظامیه لری
دائره سننده اجرا ایدیه جکری تنبیهات و اختطاراتی
اصفا ایتیانلری منع ایدیه جک و مخالفنده اصرار ایدنلر
حقنده معامله قانونیه اجرا قلمق اوزره اصولی
دائره سننده مرجعه مراجعت ایتیمکه برابرلری الایجاب
دردست ایدیه بیله جکدر .

۴۹ ماده پولیسر صفت رسمیه لریله ایفای
وظیفه ایلدکری ائنده کندولرینه تشهر واستعمال
سلاح ایدن اشخاصه قارشو جزا قانوننامه هایوننک
یوز سکسان طقوزنجی ماده سننده کوسترلدیکی وجهله
مقابله استعمال سلاح ایتیمک حقوق و صلاحیتی
حائزدرلر .

۵۰ ماده پولیسر وظیفه لرنبجه مستقل
وژاندارمه و حین اقتضاده عساکر نظامیه صنفلری
بونلره معاونتله مکلفدر بناء علیه پولیسر وظائف
مأموره لرینه مرتب موادک رؤیت و تمشیته لری الحاحه
ژاندارمه نک و عند الاقتضا اصول وقاعده سنه توفیقاً
عساکر نظامیه نک معاونتله مراجعت ایدیه جکدر .

۵۱ ماده پولیسک مشغول اولدینی ویتشه -
مدیکی زمانده و یا خود بولندینی محله رتبه سی ملازمندن
اشاغی اولیان ژاندارمه ضابطانی اشبو نظامنامه ایله
تعیین اولنان پولیس وظائفی اجرا ایدیه جکدر .

۵۲ ماده پولیسر مآذون اولدقلری و یا دائره
مأموریتی خار جنده بولندقلری و قتلدره دخی

مداخله لری ایجاب ایدن احواله تصادف ایتدکری
حالده ایفای وظیفه یه مجبوردر .

ایکنجی فصل

برنجی قسم

پولیس مراکز و مواقعی اداره لری معاملات

۵۳ ماده هر مرکز قومیسری داخل دائره
مأموریتنده حقوق سلطنت سنیه و قوانین و قواعد
ضابطیه مغایر هیچ بر حال و حرکت وقوعه کلامسی
ایچون هر درلو تقیدات و تدابیر قانونیه یی اتخاذ و اجرا
واحوال فوق العاده حس اولندینی تقدیرده در حال
تدابیر مانعه قویه ایفا ایتیمکه برابر مافوقندن و یریه جک
اوامر و تعلیماته اعتنا ایله جکدر .

۵۴ ماده قومیسر اداره لرنده مستخدم پولیس
مأمور لرینه اقتدار و استعداد لرینه و ایجاب انضباطه
کوره وظیفه تودیع و هر برینه اشبو نظامنامه ایله معین
اولان و امور انضباطیه جه مقتضی کورینان معاملات
تفهیم ایدیه رک و ایجاب ایدر ایسه معیتی مأمور لرندن
بعضیلرینی صورت دائمه و یا موقتده سیویل کزدیره رک
جمله سنک وظیفه لرینی حسن ایفا ایتملری امرنده
علی الدوام نظارت و دقت ایدیه جک و هیچ بر پولیس
مأمورینک وظیفه سنی ترک و یا اهل و یا سوء استعمال
ایتمسنه میدان و یریه جکدر .

۵۵ ماده قومیسر لر داخل دائره مأموریتلرنده
آسایش و انضباط محلی یه عائد هر درلو احوال و وقوعادن
وقت و زمانیه خبردار اوله رق ایجاب ایدن معامله
و تدبیری ایفا و کیفیتی مرجعه ده در حال انبا ایتیمکه
برابر احوال مهمه و مستعجله ده در سعادتده ضبطیه نظارتنه
و طشرده والی و متصرف و قائم مقاملره دخی همان
بیان کیفیت ایله جکدر .

۵۶ ماده هر مرکز و موقعده معاملات
و وقوعات عمومی ضابطه محلی قومیسر لرینک نظارت
و مسئولیتی آتنده اوله رق منتظماً و متسلسلاً قید
و تحریر ایدیه جک و بوضوئله ترتیب ایدیه جک

دفاترک محلی رؤسای مأمورین ملکیه سیله مأمورین
ضابطه دن و عند الاقتضا طلب و قوغنده محاکم و مأمورین
عدلیه دن غیر سنه ارأه سی جائز اوله میه جکدر .

۵۷ ماده جنایتله محکوم اولانلر ایله جرح
و سرقت و طولاندر یحیلق و مأمورین دولت علیه یه
مخالفت و عدم اطاعت و حقارت کی افعال ممنوعه
مکررلری و احوال سیاسیه دن طولانی شبهه لی کورینانلر
و ارباب جرائمی اخفا جرمی ایله محکوم اولانلرک
مراکز و مواقعجه قیدلری طوتیه جق و بونلردن
جرائم سیاسیه دن طولانی محکوم اولانلر ایله شبهه لی
کورینانلرک علی الدوام احوال و حرکاتی ترصد
و تجسس ایدیه جکدر .

۵۸ ماده جرائمندن طولانی پولیسر طرفندن
دردست اولنه جق اشخاصک اوزرنده ظهور
ایدیه جک آچه و اوراق و اسلحه ثبت دفتر ایدیلوب
آلتدقن صوکره کندوسیله برابر محفوظاً مرجعه
کوندریله جکدر .

۵۹ ماده مراکز پولیس مأمورلری اداره لرنده
بولنان چاشیرجی و لکجه جی و چکنیکر و تیمورجی
و امثالی اصنافک معاملاتندن دائماً خبردار اوله رق
بونلره قانلی و یا حاللریله متناسب اولیه جق صورته
البسه و یرنلری و عیناً آناختار و کلید و سرقته آلت
اولور سائر امثالی ادوات و یا رسملرینی ارأه ایله
مثلی یابدیرمق ایستینلری اخبار ایتسی لزومی اخطار
ایدیه جک و هر صورتله آله جنی معلوماتی در حال مرجعه
بیلدیره جکدر اصناف مرقومه دن بوباده کی تنبیهات
خلافه حرکت ایدنلر حقنده معامله لازمه قانونیه
اجرا اولنه جکدر .

۶۰ ماده محله و چارسو و کوی بکجیلری
برفعلک وقوعنه میدان و یرمامک و جرم مشهود
و قوغنده فاعلنی دردست و آثار جرمی محافظه ایتیمک
وظیفه لرله مکلف اولدقلری جهته حین انتخابلرنده
حسن سیرت و اخلاق اصحابندن اولملرینه اعتنا و دقتله
برابر بونلرک کیجه کوندوز حسن ایفای وظیفه
ایتملری امرنده پولیس قومیسر و قومیسر معاونی

و پولیس مأمورلری طرفندن علی الدوام نظارت اوله جق وانضباطه تعلق ایده جک احوال دن طولانی محسوسات و مسموعات و مشهودات واقع لری دایما مرکز ویا موقع قومیسر لرینه خبر ویرملری و هر بر خصوصات ضابطه ده معاونت و تسهیلات لازمه یی اجرا ایتلری ایچون بکجیلر مجبور طوتیه جق ووظائف مذکوره نك ایفا سنده قصوری کوریلان بکجیلر برنجی سنده تنیه و اخطار وایکنجی سنده تکدیر و اونجی سنده در حال بکجیلکدن اخراج ایدله جکدر .

۶۱ ماده مرکز پولیس مأمورلری دائره مأموریتلری داخلنده حریق ظهورنده بر طرفدن سرعت ممکنه ایله کیفیتی طلومه مرکز لرینه اخبار وصول تدارکی اسبابی استحضار ایده جک و دیگر جهتدن محل حریقده تخلیص و محافظه نفوس و ماله دقتله مصاب اولانلری مناسب محلله اسکان ایله جک و حریقک سبب ظهوری و ضایع اولمش اشیا و ارایسه آنلری میدانه چیقارمه مسارعت ایده جکدر .

۶۲ ماده مراکز و مواقع داخل رنده تأمین انضباط ایچون نقطه و دوریه لر ترتیب و بونک ایچون لزومی قدر پولیس مأمورلری افراز ایدله جک و بونلرک مقدار و اسامیسيله هر برینک وظیفه لری اوقاتی و صورت حرکاتی نسبت متساویه قاعده سنه توفیقاً مرکز قومیسری تعیین ایله جکدر .

(مابعدی وار)

محاکمه قاضی

در سعادت استیفاء مدعی عمومی ملک مأموریت بره سنه :
ارباب فساددن اولدینی ادعاسیله متهم بولان اوخربلی ابراهیم ادهم نام شخصک
اجرا گلنن محاکمه غایبه سی نتیجه سنده مرقومک
مکتب فنون طیه شاهانه دن یوزباشیلر رتبه سنه
نائل اولدینی حالد رومانیا یه فرار و نام مستعار
طافته رق فساد قومیته لرینه ریاستله نشریات
مضره یه اجتناسار ایتش اولدینی یانیه ولایتک
تحریر اتندن استنباط اولغله مرقومک فسادک
اسباب اجراییه سنی تهیه ضمنده بعض افعال
و تدابیره تشبث ایدلر دن اولق اوزره محرمیته
و قانون هایون جزانک انی سکننجی ماده سنک

فقره اولاسنه توفیقاً مؤبداً قلمه بند ایدلسنه
و اوتوز برنجی ماده قانونیه موجبنجه دخی
حقوق مدنیه دن بالاسقاط اموال محجوزه سنک
اداره ایتدیرلمسنه محکمه جنایتدن حکم اولمش
واصول محاکمات جزاییه قانوننک اوچوزیتش
یدی و اوچوزیتش سکن و اوچوز سکنان
برنجی ماده لر یله موادسارزه سی احکامنه توفیق
معامله اولنسی مرجعته یلدرلمش اولغله مذکور
اوچوزیتش سکننجی ماده نك جمله احکامندن
اولدینی اوزره اعلان کیفیته ابتدار قلندی .

محکمه تمیز حقوق دائره سنندن تنظیم واعطا اولنان اعلامدر :

قونیه نك قاضیسکر محله سنده مقیم سلیمان اوغلی اسماعیل اغا یله یه قونیه نك خواجه حبیب محله سنده ساکن روشن افندی بئنسده متحدت دعوا یه دائر قونیه بدایت محکمه سنندن ۲۹ نیشان سنه ۳۱۶ تاریخی و سکنر عددی ایله ویریلان اعلام مرقوم اسماعیل اغا طرفندن تمیز ایدلکه اعلام مذکور یالکزر مستدعی تمیزک اعتراض لایحه سی یله بالمطالعه تدقیقات تمیزیه اجرا سنه ابتدار قلندی .

اعلام مذکورک خلاصه مالی مومی الیه روشن افندی مرقوم اسماعیل اغانک پدری متوفی سلیمان قونیه زراعت بانک شعبه سنه اولان بورجندن طولانی متوفای مرقومک یورغانچی ودرت قیه موقع لرنده کاش معلوم الحدود یدی دویم اراضی شعبة مذکوره طرفندن حیز آتیه آله رق مدیون متوفانک حال حیاتنده بالمزایده رغباتک انقطاعندن سوکره اوچ بیک اوچوز غروش بدل ایله عهده سنده تقرر ایدره نك دائره اجرانک مذکوره سی اوزرینه دفتر خاقانی اداره سنجه کندو نامه معامله قیدی سی اجرا و طابو سنندی اعطا اولنسی و اولصورته اراضی مذکوره مال مشترکی اولدینی حالد اوغلی مرقوم اسماعیل اغا مذکور اراضی یه مداخله ایتکده اولدینندن بختله مداخله واقعه سنک منعی طلب و دعوی و صورت تصرفی ناطق بش قطعه طابو سنندی ابراز واعطا ایتسنه قارشو مدعی علیه دخی منازعه یه اراضی بدرینک اولیوب و والده سنک اولدینی و والده سنندن کندوسنه انتقال ایتدیکنی و مذکور اراضینک کندوسنک اولدینغه دائر محکمه یه عرضحال دخی و برمش ایسه ده

خسته اولدینندن تعقیب ایده مدیکنی و مزایده واحاله سی هنکامنده حسب الجماله محکمه یه مراجعت ایده مدیکندن احاله مذکوره نك سفنی مدافعه درمیان ایتسی اوزرینه محکمه جه دائره اجرانک مذکوره سی جلب و مطالعه اولندقدن سوکره جریان ایدن محاکمه و تدقیقات نتیجه سنده منازع قیه اراضی مدعی علیه پدری متوفی سلیمانک اولوب فراغ بالوفا طریقیله باقیه ترهین ایدره نك سند رسمی یه ربط اولدینی و مدت معینه ده تأدیة دین ایتام سنندن ناشی علی الاصول اجرا قانونی احکامنه توفیقاً مزایده ایدیلره نك مدعی نامته معامله فراغی سی اجرا قلندینغه وصول اخبار نامه مدعی علیه مرقوم اسماعیل اغایه تبلیغ ایدلکی حالد شمیدی یه قدر برکونه استحقاق و تصرف ادعای درمیان ایتیوب جهالت ایسه معذرت مشروعه دن عد ایدله میه جکته بناء اموال غیر منقوله نك فروختی حقدنکی نظام نامه نك اون اوچنجی ماده سی حکمنجه مدافعه واقعه سنک ردیه اراضی مذکوره یه مدعی علیه مرقوم اسماعیل اغانک وقوع بولان مداخله سنک منعه حکمدن و مستدعی تمیزک اشبو حکم علینده لایحه سنده محرر باشلوچه اعتراضی منازع قیه اراضینک کندوسنک اولدینغه دائر رئیس محکمه یه طرفندن عرضحال ویرلدیکی حالد محکمه جه نظر اعتباره آلمدینی اتنای محاکمه ده درمیان ایتش اولسنه بناء محکمه جه اشبو مدافعه سنک تدقیق ایدلسی لازم کور ایکن حواله سمع اعتبار ایدنامسی مخالف قانون اولدینندن بختله اعلام مذکورک قضی استدعاسندن عبارت بولمشدر .

ایجابی مذاکره اولندقدن اعلام مذکور مطالعه سنندن اکلاشالینی اوزره اراضی مذکوره حقدن مرقوم اسماعیل اغانک اقامه ایدلکی تصرف دعواسی اموال غیر منقوله نك فروختی حقدنکی نظام نامه نك اون اوچنجی ماده سی موجبنجه صوک مزایده دن اول اقامه دعوی ایتامش اولسنه بناء ردینه قرار ویرلمش ایسه ده اعلام مذکوره محرر اولدینی وجهه مدعی مرقومه اخبار نامه تبلیغ ایدلسی اوزرینه اراضی مذکوره باباسنک اولیوب کندوسنک ایدوکی حقدنه رئیس محکمه یه عرضحال ویرمش اولدینی اتنای محاکمه ده افاده ایتسنه نظراً محکمه جه مدعی مرقوم طرفندن بویوله براسندا ویریلوب ویرلدیکی و ویرلمش ایسه نهمان ویرلمشدر تدقیق ایدیلره نك نتیجه حاصلیه کوره بر حکم ویرلمک لازم کور ایکن بوجهتدن ذهول ایدلسی مغایر قانون اولدینندن اصول محاکمه حقوقیه قانوننک ایکن یوز اوتوز ایکنجی ماده سی موجبنجه اعلام مذکورک تقضیه قانون مذکورک ایکن یوز قرق دردننجی ماده سی

حکمنه توفیقاً کیفیتی اولوچله بالرؤیه اعلامه رابطی ضمنده محکمه مذکوره یه افاده سنه ودرتیوز اون اتی بیق غروش مصارف تمیزیه نك ایلروده حقدنر چیقه جق طرفه عائد اولق اوزره اول امرده مستدعی تمیزدن آلمسنه ۱۸ ایلول سنه ۳۱۶ تاریخنده منفقاً قرار ویرلیدی .

۶۳۴ نومرولی نسخه ده مندرج در سعادت جنایت محکمه سی اعلامنک مابعدی :

متهم بکرک تحقیقات ابتدائیه ده مضبوط افاده نامه سنده اسمی ذکر اولنان ایبو نام دیگر ابراهیم ایله مرقوم بکرک اشبو افاده سنی ضبط ایتش اولان پولیس مأمورلرینک اظهار حقه مدار اولق اوزره جانب ریاستندن جلبلری تنسیب اولغله محاکمه یوم آخره تعلیق ایدلکی باتفهیم ایلولک برنجی جمعه ایرتسی کونی متهم توقیفخانه دن کتوردیلره نك مدافعه وکیلی و معاون مومی الیه حاضر اولدقلری حالد محاکمه علیه یه دوام ایدلدی .

جانب ریاستندن اظهار حقه مدار اولق اوزره جلبلری تنسیب ایدیلوب دعوت واقعه یه مبنی کلدکلری خبر ویریلان شاهدلر برر برر حضور محکمه یه چیقاریلره نك لدی السؤل طرفینه قرابت و مناسبت و خصوصتیلری اولدینی اکلاشالقدن و کندولرینه اخطارات لازمه قانونیه ایفا قلندقدن سوکره منفرداً استماع اولندقلرنده بولردن قان دقیده آتلامه طاشنده حالقی وطلومه جیلقی ایتدیکنی سولیان قرق یاشنده ارض و ملی ایبو نام دیگر ابراهیم بن حسن متهم بکرک سلیمانی جرح ایتدیکنی کورمدیکی کبی کندوسی دخی وقعه کیجه سی خرسونک میخانه سی اوکنده منازعه ایتدیکنی و مذکور کیجه میخانه یه کیتمدیکی درمیان ایتدی .

متهم بکر بوشاهدک افاده سنه دیه جکی اولدینی سولیدی .
قان دقیق مرکزنده مستخدم پولیس قومیسری اوتوز بش یاشنده قرق کلیسالی ایدوکی بیان ایدن مصطفی افندی بن علی دخی سلیمانک جرحندن بر کون سوکره متهم بکرک انشته سی کاظم بک طرفندن مرکز کتورلمکه مرقومک افاده سنی ضبط ایتدیکنده وقعه کیجه سی بک اوغلندن عودتله اون قباننده عشرت ایتدیکنی و خانه سنه عودت ایدرایکن ایبو و سائرلرینک خرسونک میخانه سی اوکنده منازعه ایتدکلری کوردیکی بیان ایتدیکنی انبا ایلدی .

متهم بکر بوشاهدک افاده سنه دخی بر دیه جکی اولدینی بیان ایتدی .
بونک اوزرینه مدافعه وکیلی خالد بک موکلنک وقعه کیجه سی زیرکده قهوه خانه ده بولندینی و بالآخره خانه سنه کیتدیکنی اخبار ایده جک اولان متهمک دایسی کاظم بک ایله قهوه جی حسین وطلومه تعمیرجیسی طلعتک جلب و استاعلری طلب واستدا ایتکله جانب ریاستدن مومی الیه کاظم بک و مرقومان حسین وطلعت ایله مشتکی مجروح سلیمانک دخی اظهار حقه مدار اولق اوزره جلبلری تنسیب اولره نك محاکمه یوم آخره بالتعلیق ایلولک اون بشنجی جمعه ایرتسی کونی متهم توقیفخانه دن کتوردیلره نك مدافعه وکیلی و معاون مومی الیهما حاضر اولدقلری حالد محاکمه علیه یه دوام ایدلدی .

اظهار حقه مدار اولق اوزره جلبلری تنسیب ایدیلوب دعوت واقعه یه مبنی کلدکلری خبر ویریلان قبان دقیده خضر بک محله سنده اقامت ایتدیکنی و نفوس اداره سی کاتبلرندن بولندینی سولیان قرق ایکن یاشنده آستانه لی کاظم بک بن حاجی بکر وزیرکده مقیم قرنک طلومه جیسی اون یدی یاشنده آستانه لی طلعت بن ایوب برر برر حضور محکمه یه چیقار یله رق لدی السؤل بولردن کاظم بک متهم بکر همشیره زاده سی اولدینی وطلعت دخی طرفینه قرابت و مناسبت و خصوصتی اولدینی سولیلر یله کندولرینه اخطارات لازمه ایفا قلره نك استماع اولندقلرنده بولردن کاظم بک جرح مسئله سنندن معلوماتی اولیوب اشقی کانون اولک اوتوز برنجی کونی اقشام ساعت ایکن بیق راده لرنده متهم بکرک خانه سنه کله رنک بک بدکن سوکره یاندینی و فرداسی سلیمانک جرحی ماده سنی غزته ده او قودینی و بکری آله رق قره غولخانه یه کتوردیکی درمیان ایلدی .

طلعت دخی بر کیجه متهم بکرک سکر حال اوله رق قهوه خانه یه کلکه مرقومی آله رق خانه سنه کتوردیکی و مرقومک قهوه خانه یه کلدیکی کیجه آیک قاجی ونه کیجه سی اولدینی تعیین ایده میه جکی اتیان ایتدی .
بوشاهدلرک افاده لری ختام بولدقدن نه دیه جکی

متهمدن صورلدقدن دیه جکی اولدینی سولیدی .
اظهار حق شاهدلرندن سلیمانک بولسنه مدینی جلبنامه سی زیرنده محرر شرحدن اکلاشلمش و قهوه جی حسین دخی گلامش اولدینندن جانب ریاستندن حسینک جلب و استاعندن فراغت ایدلکی و مجروح سلیمانک اظهار حقه مدار اولق اوزره افاده سنک قرائتی تنسیب اولندینی بیان ایدلکه مرقوم سلیمانک استنطاق نامه سی او قودنرله آتلامه طاشنده طلومه جیلقی ایدن قطارجی بکرک باسقالیه ده

سمید طاغتمسنه مخالفت ایتدیکندن طولانی کندوسنه خصومت حاصل ایتش و اوته ده روده کلورسه اوربرم دیتش اولدینی و براقشام ساعت ایکن بیق راده لرنده اون قباننده خرسونک میخانه سی قیوسنه کیتدیکنده میخانه دروننده بولنان قطارجی بکرک کندوسنک میخانه یه دخوله مخالفت ایتسی اوزرینه مرقومه نه قاریشورسک میخانه جی میسک دبدیکنده مرقومک کندوسنه ایکن نوقات اوردقدن سوکره بیغانی چکوب صول مهنسندن وصول قاپه سنندن جرح ایتدیکنی افاده ایلدیکی اکلاشادی .

سلیمانک افاده سنه نه دیه جکی متهمدن صورلدقدن کندوسی طلومه جی اولدینی و چورک توزیع ایتدیکنی و اون قباننده کندوسندن بشقه قطارجی بکرک اسمنده کیسه بولندینی سولیدی .

(بقیه سی کله جک نسخه یه)

مخالفات اندبانه

خس قضای بدایت محکمه سی مدعی عمومی معاونلکی وکالتنده بولنان پولیس قومیسری ساح افدینک مواد معینه ده وظیفه مأموریتی سوء استعمال ایلدیکی ارضروم ولایتی استیفاء محکمه سی مدعی عمومی لکندن وارد اولان اوراق تحقیقه مندرجاتندن مستبان اولسنه مبنی مومی الیهک محاکمه آتیه آلمسنه عدلیه نظارت جلیله سنندن مأذونیت ویریلره نك مذکور مدعی عمومی لکه تبلیغات مقتضیه اجرا ایدلشدر .

سیوربحصار قضای نائب و بدایت محکمه سی رئیس محمد خلوصی و اعضای سابقه سنندن علی و مستنطق معاونی جال افدیلرک خلاف قانون توقیف اشخاصه جرأت ایتدکاری آقره ولایتی استیفاء محکمه سی مدعی عمومی لکندن وارد اولان اوراق تحقیقه مندرجاتندن مستبان اولسنه مبنی مومی الیه مانک محاکمه آتیه آلملرینه عدلیه نظارت جلیله سنندن مأذونیت ویریلره نك مذکور مدعی عمومی لکه تبلیغات مقتضیه ایفا و طرف عالی مشیختناهی یه ده معلومات اعطا قلنمشدر .

اعلانات

برنجی قمارت حکم سنده :

تبعه دولت علیه دن یمش اسکله سنده دکانده مقیم

ذخيره جي اصنافدن فليب ولد طودورينك يونان دولتي تبعه سندن اولوب اولجه سالمه طمر قده قره غولخانه قارشوسنده دكانده ساكن ايكن شمديكي اقامتگاهنك مجهول ايدوكي خبر ويريلا بقال ميخال ولد سيمو عليهنه برقطعه دفتر موجبنجه آله جنى اولان اون بش ليرا ايله ايكي يوز اللى غروشك تحصيلي حقنده محكمه تجارت برنجي مجلسنده اقامه ايلديكي دعوانك فصل ورؤيتي ايچون اشبو ۳۳۳ سنه سى كانون اولنك يكرمنجي پنجشنبه كوني تعيين ايدلمش اولديغندن مرقوم ميخال ولد سيمونك يوم مذكوره ساعت التي راده لرنده محكمه مزبورده حاضر بولمسي وياخود مصدق سندله بروكيل كوندرمى لازم كله جكي وشايد كلز ويا وكيل كوندرمى ايسه ديكر طرفك وقوعبوله جق طلي اوزرينه مرقوم حقنده معامله غيايه اجرا قلنه جنى معلوم اولق اوزره تنظيم اولنان دعوتيه ورقه سى اصول محاكمه تجارت نظامنامه سنك يكرمنجي ماده سنك دردنجي فقره سنه توفيقا على الاصول محكمه نك ديوانخانه سنه تعليق قلنديني كبي اوراق حوادث واسطه سيله دخي اعلان اولنور .

تجارت بحريه محكمه سنده

استانبولده ديقرانان خاننده ۱۴ نومرولى اوطه ده ساكن ايكن تجارت بحريه محكمه سندن افلاسنه حكم اولنش اولان مانيفاطوره تجارندن ب . ارسلان افدينك خصوصات افلاسيه سنك رؤيت وتسويه سى ضمنده دعوى وكيللرندن رسائي بك اصالة سنديك تعيين قلنش اولديغندن مفلس مرقوم ذمتده آله جنى اولانلرك قانوننامه تجارتك ۱۹۹ و ۲۰۰ نجى ماده لرى موجبنجه تحقيق ديون ايچون تاريخ اعلاندن اعتباراً يكرمى بركون طرفنده سنداتي محكمه كاتنه تسليم ايللرى ومدت مذكوره ختامندن صوكره اوچ كونده يعنى ۳۳۳ سنه سى كانون اولنك يكرمى يدنجي پنجشنبه يكرمى طقوزنجي جمعه ايرتسى واولوز برنجي بازارايرتسى كونلرى تجارت بحريه محكمه سنك مصالح افلاسيه رؤيته مخصوص اوطه سنه كلهرك سنديك افدى مواجهه سنده آله جقلىرى اثبات وقيد وتصديق ايتديرملرى ومدت مذكوره ده اثبات وجود ايدهميان آله جقلولر حقنده قانون مذكورك ۲۱۰ نجى ماده سنه توفيقاً ايفاي معامله اولنه جنى اعلان اولنور .

محكمه تجارت امرا دائره سنده:

حاجى عارف اسحق بكه ايكنجي تجارت محكمه سى

اعلاميله محكوم به اولان دينك تأمين تسويه سى ايچون محمد جودت بكك اسكدارده حاجه حسنا خاتون محله سنده بيوك اسكه نك چشمه ميدانى زقاغنده طقوز نومرولى على التخمين ايكي يوز اللى ذراع مقدارى مقدما كرميت عرصه سى ناميله معروف اليوم خالى عرصه ده التي حصه اعتباريله متصرف اولديني ايكي حصه سى بوندن اقدم موقع مزايده قونيله رق ليراي عثمانى يوز غروش حسابيله بيك سكر يوز غروشده طالبى عهده سنده قالمش وكانون ثاني رومينك اون ايكنجي چهارشنبه كوني ساعت اونقدر يوزده بش ضم قبولى وذكراولنان يوم وساعته صوك مزايده سى بالا اجرا قرار قطعيلى ويريلا رك طالبى عهده سنده كچورلمسى مقرر بولنش اولديغندن وآندن صوكره هر نه ضم وقوع بولورايسه قبول اولنيه جغندن مذكور حصه يوزده بش ضم ايله طالب اولانلرك وبوندن زياده معلومات آلى ايستينلرك بدل مزايده نك عشرينه مساوى بي اچه سيله برابر مدت مزبوره طرفنده محكمه تجارت اجرا دائره سنه مراجعت ايللرى ويوم ووقت مزبوره مذكور عرصه پيشگاهنده مأمورى مواجهه سنده حاضر بولملرى اعلان اولنور .

طودورا كينك آورام انسطاسيادى ذمتده ايكنجي تجارت محكمه سى اعلاميله محكوم به اولان آله جقنك تسويه سى ايچون صماتيه جوارنده مير آخور الياس بك محله سنده حاجى مانول زقاغنده يوز اوچ نومرو ايله مرقم بش اوطه و بر صغه و بر حولى و بر صهرنج واتصالنده بر مقدار باغچه ومشمولات سائره يى حاوى برباب خانه نك يوز يكرمى يدى ذراع محنده متوفاة والده سى آنكليقونك عهده تصرفنده بولنان نصف حصه دن مديون مرقوم آورامه انتقال ايتسى لازم كلان ربع حصه ايله ينه محل مذكوره مير آخور جاده سنده معلوم الحدود على التخمين ايكي يوز سكران ذراع مقدارى برقطعه عرصه تمامندن كذلك بر ربع حصه اشبو كانون اول رومينك اون ايكي سندن اعتباراً اون بش كون صوكره موقع مزايده قونيله جغندن اشتراسنه طالب اولانلرك واطرافيله معلومات آلى ايستينلرك محكمه تجارت اجرا دائره سنه مراجعت ايللرى اعلان اولنور .

در سعادت اعوامات نظاميه امرا دائره سنده:

عثمان فوزى پاشا حضرت تالرينك عزتلو عبده اسعد بك ذمتده محكوم به آله جغندن طولايي محجوز وفروختي مقرر بولنان چقور چشمه جوارنده كال

پاشا محله سنده اغا يقوشنده كائن تخميناً ايكي يوز يمش ذراع عرصه اوزرينه مبنى اخشاب اوچ قاتدن عبارت اون بر اوطه وايكي صالون وچاقى آره سى وزمين قاتنده كار كير مطبخ وقيو واتصالنده تخميناً طقسان ذراع باغچه ومشمولات سائره يى حاوى وجهات ثلثه سى طريق ايله محدود اوتوز اوچ نومرولى برباب خانه نك تاريخ اعلاندن اعتباراً اون بش كون صوكره بالمزايده فروخته تشبث اولنه جنى در سعادت اعلامات نظاميه اجرا دائره سندن اعلان اولنور .

قيصريه تجارت محكمه سنده:

قيصريه ده صرافلر چارسوسنده مقيم پوليجه جيلق وصرافلق معاملاتيله مشغول آواقيان حاجى آغوب وشريكي اوحانيان هاجينك مبدأ عجزى اولق اوزره ۱۶ تشرين ثاني سنه ۳۳۳ تاريخندن اعتباراً اعلان افلاسلرينه ومصالح افلاسيه لرينك رؤيت وتسويه سى ضمنده اعضاى محكمه دن كرقورافدينك ژورقوميصر وصرافانندن رفعتلو لوساراريان حاجى ماردىروس وفرنكيان شابوح افدينلرك موقت سنديك تعيينلرينه ومغازم سيله اشياى زائده بيتيه لرينك تمهيري نه واوراق ودفاترينك جلبه وكفالت مصدقه ارايه ايد . مدكلرى تقديرده حبس وتوقيفلرينه وبوبابده كي قرارك موقتاً اجرا سنه ۱ كانون اول سنه ۳۳۳ تاريخنده قيصريه تجارت محكمه سنجه قرار و يرلمش اولديغندن قانوننامه تجارتك ۱۷۰ نجى ماده سى موجبنجه دائمي سنديكلر انتخاب اولنق اوزره اشبو ۳۳۳ سنه سى كانون اولنك اون يدنجي بازارايرتسى كوني ساعت التي راده لرنده اصحاب مطلوبك محكمه مذكوره نك مصالح افلاسيه رؤيته مخصوص اوطه سنه كللى اعلان اولنور .

قرق كليسا بدايت محكمه سى امرا دائره سنده:

قرق كليسانك حاجى زكريا محله سندن ديمتري قيزى قاليوپينك زوجى متوفى آپوستولك تركه سنه اضافتله والده سى لامبرنو ذمتده بااعلام آله جنى اولان مبالغك تأميني ايچون محجوز بولنان التمش درت سهملو برباب خانه نك يكرمى بر سهى بالمزايده اوچ بيك يوز غروشده داينه عهده سنده تقرر ايدهرك احاله اوليه سى اجرا قلنش اولديغندن يوزده بش ضم ايله اشترايه طالب اولانلرك وزيايه معلومات آلى ايستينلرك قرق كليسا سنجاغى بدايت محكمه سى اجرا دائره سنه كللى اعلان اولنور .